

Atanguyaoyup Nainaghimayok Onipkangit

Ukkua Kitikmeot Inuit Katuyikatigit-kut (KIA-kut) koviahoktot tonihigamik haffuminga Elaovalliatjutighamingnik tatvunga Nunavut Imalikiniita Katimayit-nun (NWB-kut) pitjutigivlugit ukkua uyagaghioktiit Shear Diamonds (Nunavut) Timingat. (Shear) Jericho-mi Kipliktonik Uyagaghiotit (Jericho Mine) Emaknik Atohighaita Laisighaktagotighaita Notanik Toghioktihimayamingnik katimatjutaoniaktitluget. Ukkua KIA-kut kивgaktioiyotitloget Kitikmeotni Nunatakataohimayonik uvalu nanminikaktot haffuminga Inuit Nanminigiyaaita Nunaotaitnik (IOL) Nunaoyak CO-05, tatva hamnaoyok ema (40%) haffuma Jericho-mi Uyagaghiokviata nayogaa. Ukkua KIA-kut huli ukkua Iliitagiyaohimavlotik Inuit Timigiyat (DIO) tahamani Kitikmeot Aviktoghimayuni pitjutigivlugiet hapkua titikat Nakatak 20-mi Nunavut Nunatakutaita Angektutani (NLCA) uvalu pihimayakaktot tamaknik emalikinikut piyunaotighaitnik uvalu atanektotighaitnik hapkunani Inuit Nanminigiyaaitnik Nunaotaitnik (IOL). Hapkua piyunaotighait uvalu piyomayait hapkua Kitikmeotni Inuit uvalu ukkua KIA-kut ihoiyaotaoniakmata haffuminga ukkua uyagaghioktiit havagiyomayaitnin uvalu ukkua Shear-kut tohiotigiyaitnin.

Ukkua KIA-kut aivatjutigihimayaat uvalu attilioghimayaat una Inuit Kanogiliyokaknikat uvalu Ekayohiagotighaitnik Angekutat (IIBA) pitjutigivluget ukkua Jericho Uyagaghiokvik attiliokatigivlugit ukkua Tahera Diamond Corporation-kut tatvani 2004-mi. Una angekutaohimayok toniyaohimayok tatvunga Shear-kunut ukkua niovigihimakmatjuk una Jericho-kut Uyagaghiokviat tatvani 2010-mi. Ukkua Shear-kut uyagaghioliffaktinagit, kihianioyok hapkua havaktitnik uvalu nanminiktaaknik maligait haffuma IIBA-giyaita pitjutaoniaktot.

Tataoyok Emalikinikut Ikayohiakutighaitnik Angekutikaktot ukkua Shear-kut uvalu ukkua KIA-kut, tatva Naonaipkutigiyaat haffuminga Inuit ikayohiakutighaitnik (IIBA). Una Angekutaohimayok aivatjutaohimayok atoghoget hapkua malikak tatvani Nakatak 20-mi uvani Nunavut Nunatakutaita Angekutani (NLCA). Ukkua KIA-kut uvalu Tahera-kut attilioghimayaat una Angekut tatvani 2004-mi attaotikut ilalioivluget hapkua IIBA-git. Shear-kut emalikinikut ikkayohiakutighait ikkilihighait ukkua KIA-kut aolayut huli kiklikaktot tatvuna nungotpat 2011-mi. Ukkua KIA-kut ihomalotikangitot hapkuninga emalikinikut ikkayohiagotighaitnik pitjutigivluget ukkua Shear-kut Notangoktigitighaita Toghiotaitnik.

Ukkua Shear-kut uvalu KIA-kut huli kangani nunaap atotighaitnik elangata haffuma Jericho-kut Uyagaghiokvighani una nayogaat Inuit Nanminigiyaaitni Nunaotaitnik (IOL). Ukkua KIA-kut pihimayakaktot halikaktotighaitnik haffuma Jericho-kt Uyagaghiokvighaitni tatvuna kangani nunaat atotaatigot pikatigivluget ukkua Shear-kut. Una pitailitjutighaat munagitjutikakmat haffuminga avatilikitjutaitnik uvalu Inuit Nanminigiyaaita Nunaotaitnik uvalu pitjutaoyagiakakmat namaktomik omiktikitjutighaitnik uvalu halikaotighatnek hapkua Inuit Nanminigiyaaita Nunaotaitnik (IOL) havagiyaoniaktitluget. Una pitjutaoniaktitlugo Emalikinikut Laisighaktagotighak Notangoktikutighaita Toghiotat, ukkua KIA-kut ihomalotikangitot hapkuninga omiktigitighaitigot uvalu halikaktotighaitigot pitjutigivluget hapkua elangit Inuit Nanminigiyaaita Nunaotaitnik (IOL) Nunaoyami CO-05 hapkua elaliothimangmata tatvunga Jericho-kut Uyagaghiokvighaita havagiyaghaitnun.

Tatvani Desai 2010-mi ukkua Shear-kut pihimayot notanik tohaktitjutighaitnik ukkua Nuna Logistics-kut itkaghimayaita halikaktotighaita akkiliktotighaitnek, hapkua Inuit Nanminigiyaaita Nunaotaitnik (IOL) elikut, pitjutigivluget ukkua Jericho-kut Uyagaghiokvighaitni. Ihomagivlugo una naonaiyaotaohimayok, hamna kititlugo akkiliktotighait haffuma halikaotighaita Inuit Nanminigiyaaita Nunaotaitnik (IOL) tatvani Jericho-mi Uyagaghiokviatni tatja iktoktaohimayok ema \$3,151,800 talaoniaktok.

Kangakalok atoghaohimayotokak naonaiyagahoaghoget hapkua omiktigotighaita uvalu halikaotighaita akkiliktotighait uvalu huli AANDC-kut 2002-mi Uyagaghioktiit Havakviatni Halomaktikutighaita Malikait atagaghaita Nunavut havagiyaokatakniaknahogivloget allanit nanminikaktonit uvalu kittitihimayot hapkuninga akkiliktotighaitnik malikavlotik . Akihaktogaloaghoget hapkua Inuit Nanminigiyait Nunaotait (IOL) kivgaktoghuget Inuit Nunatakataohimayot, ukkua KIA-kut maligat pitjutaoyagiakaktot inighihimayagikloget akkiliktotighait naonaiyatiaghimaloget tohaktitjutaohimayot atokloget. Ukkua Shear-kut piyagiakaktot akkiliktogeklotik kanogiliyokakniakat akkiliktotighamingnek uvalu ukkua KIA-kut angekatigihimayaat ukkua Shear-kut taima piyagiakaktot.

Hapkuninga ihomalotikaktitloget Emalikinikut Laisighaktagotighaitnek, ukkua KIA-kut ihomaghaghiotigtkoyait hapkua :

1. **Omiktikutighaita uvalu Halikaktotighaita Akkiliktotighait** – Ukkua KIA-kut huli pihimainakniaktat hamna nunanik pitjutaoyot halikaktotighaita akkiliktotighait hapkuninga Inuit Nanminigiyait Nunaotaitni pitjutigivlugit hapkua KIA-kut kangani nunaat atokniaktaita ukkua Shear-kut.
2. **Ematigot Ikayohiagotighait** – Ukkua KIA-kut pihimayaat una Ematigot Ikayohiagotighait pikatigivluget ukkua Shear-kut hamna Inuit Ikayohiakutighat IIBA-nik angekatigeghimangmanek ukkua KIA-kut uvalu Shear-kut.

Ukkua Shear-kut piyagiakaktogaloit tohaktikatakloget ukkua Katimayiit tatva aipagugangat onipkagiakaktitloget tatva Emmatigot Laisighaktagotighait pitjutigivluget tatva akkiliktotighaita una Angekutigihimayaat KIA-kutlo tohaktitagiakaktaat.

3. **Omiktikutighaita uvalu Haliktaghaita Parnaiyaotighait** - Ukkua KIA-kut ikpigiyaakaktot hapkuninga parnaiyaotighaita Omiktigotighaita uvalu Haliktaghaita hapkua elangata tatvani Jericho-kut Uyagaghiokvighaita tatvani Inuit Nanminigiyait Nunaotaitni (IOL).

Hamna Parnaiyaotighait huli tohaktitjutikagiakaktot hapkuninga iglutighaitnek uvalu havagiyaoniaktonek Inuit Nanminigiyaita Nunaotaitni (IOL). Taimatot ajiktiktonik havagiyaokatangitangitni atokloget hapkua KIA-kut laisighaktagotighait. Ukkua KIA-kut huli tohaktitakatakniaktot ukkua Shear-kut Omiktikutighaita uvalu Kaliktaghaita Parnaiyaotighaitnik hivunighami pitjutigilugit hapkua NWB-kut aolatjutait.

4. **Aolatjutighait hapkua Emmanik Laisighaktagotighait** – Ukkua Shear-kut toghiotikaghimayot kiglighanik ema 10-nik okionik. Ukkua KIA-kut ihomagiyaat hamna kiglighaat imaitagiakaktogaloak talimanik (5) okionik .